

長春道教源流
(下)

廣文書局
印行

清·陳銘珪撰

中國哲學思想
要籍叢編

長春道教源流
(下)

廣文書局印行

中華民國六十四年四月初版

中國哲學思想
要籍叢編

長春道教源流

精裝上下冊定價：新臺幣三四〇元

撰者 陳 銘 珪

發行人 王 道 榮

發行所 廣文書局有限公司

臺北市羅斯福路二段九號之三
郵政劃撥二一九九帳號
電話三四一九六六〇號

經售者 全國各大書局

版權所有
不准翻印

內政部出版業登記證內版臺業字第一三二四號

長春道教源流卷五

羅浮醮醪洞主陳教友著

邱長春弟子紀略下

附馬劉王郝弟子紀略

王公志坦字公平號涓和相州湯陰人父忠以貲雄其鄉
母岳妊時夢古仙來告曰此子成人必令學道否則將禍
於而家公生不好弄甫及冠卽著道士服禮北京盧尊師
盧丹陽法孫洞清于公高弟也素嚴厲公躬執百役靡有
懈怠癸未秋謁長春真人於宣德一見器之傳付秘訣遂
行化興中義錦間日丐一食雖蚊蚋嘍敗亦不屑棄匪茹
而居不計何地遇昏暮卽止戊子聞清和宗師駐燕往參
禮焉無幾何逕入金坡坐而煉化木茹澗飲人莫見其面

晦跡十餘年人無賢不肖皆曰金坡王先生有道之士也
甲辰春真常真人招爲大度師夏從真常北上參授三洞
秘籙以祈禳訶禁濟人其疾病藥石不治者假符水或以
袂拂之罔不立愈皇太后欽挹真風寵賚以禮留居闕庭
者六年還燕爲教門都提點燕去和林千六百餘里凡赴
十有七馳驅寒暑略無艱苦狀憲宗元年辛亥詔真常祀
嶽瀆以公爲輔行癸丑上問養生之術對曰此山林枯槁
之士所宜非天子急務也天子代天理物當順天心與民
興利則天降之福壽矣然開創以來戕橫天闕精魂無依
非求諸冥冥中莫之能救因奏修黃籙大醮上喜卽詔設
於長春宮甲寅三月將醮雲膚寸而雨公密禱於天遂霽

又有卿雲鸞鶴之應公卿文士咸作詩以贊其瑞真常厭
世誠明嗣立公之力居多至元改元燕人楊提領於私第
後園作環菴一區求清修高尚之士奉之僉曰金坡王練
師可卽禮致焉七年誠明上仙詔公襲位仍加崇真光教
涓和真人號九年十一月蛻形於長春之玄堂年七十三
踰年葬於金坡山下從治命也時天氣肅冽比襄事化而
陽春執紼者萬餘人汗皆浹背咸嗟異之公美儀觀愛讀
書尤喜性理學度弟子數千人建庵觀百餘區所著信心
錄六牛圖傳於世

元高鳴崇真光教涓和真人道行碑○此碑見甘水仙源錄元史高鳴字雄飛

真定人世祖召爲翰林學士遷吏禮部尙書有文集五十卷文內所稱盧尊師卽盧柔和洞清于公卽于通清見前通洞音近

疑有一誤

五
酥醪洞主曰王濬和師盧柔和柔和師于通清其學實
出丹陽然通清柔和及濬和皆禮長春則並長春弟子
也長春學最平實而年又最高丹陽諸眞再傳以下多
師事之茲統列之爲長春弟子柔和事于通清稱入室
又謁長春其本行當有可紀惜不傳

李先生志方號重立子初名益字友之相州安陽人金朝
故事新天子卽位例出諸王爲方鎮大安崇慶間宣宗以
豐王來彰德先生時以高訾家推擇爲功曹掾有廉平稱
尤精算術因之出入府中雅性重厚復小心畏慎故見親
任至宣元年宣宗入繼大統明年車駕幸汴梁扈從以行
補戶部令史當艱難之際柄臣高琪蔑視文吏其持下急

如束濕從事者多引去先生直道自任氣不少衰會被檄
漕米餽燕師抵霸州值北兵大入幾至不測然憂世之懇
每見於顏間一日忽謝病歸隆慮山適與丹陽法孫柔和
子盧公遇便請執禮爲全真師入棲霞谷無憂澗深坐練
化甲申聞長春邱公應詔還附盧公遠迂長春賜今名號
時盧公有提點北京道教之命長春謂先生緣在彰德俾
之南行卽營棲霞爲觀稍稍就緒會彰德總管趙德用請
住迎祥觀先生乃命弟子康志宣主棲霞事丁亥長春上
仙先生往祭因留宿檀順致心喪焉庚寅復還士庶懽迎
皆曰吾家先生來也總帥蕭仲通奉疏請主天慶宮丁巳
宗王穆哥遣使賜金冠雲錦羽衣仍加真人號先生住迎

祥天慶於棲霞蓋惓惓志宜物化復以尹志和塗志堅等
知觀事庚申二月九日集衆留頌怡然而化其頌曰四大
既還本一靈方到家白雲歸洞府明月落棲霞春秋七十
大所著地元經行於世生平迭著靈異若萬鶴繞醮壇而
翔飛蝗抱祭器而死虎承牒而殺田豕雪失道而作司南
類此甚多然皆先生平日所不喜道故不具書

元高鳴重
立子李先

生返真碑參李誠棲霞觀碑○高碑見甘水仙源錄李碑
見林縣志金史章宗紀大定二十九年進封豐王加開府
儀同三司累判兵吏部又判永定彰德等軍據碑文則判
彰德在衛紹王時元史太祖紀十年乙亥三月金御史中
丞李英等率師援中都戰于霸州敗之碑文云抵霸州幾
至不測卽是時元史宗室世系表憲宗次九子末哥大王
碑云丁巳宗王穆哥丁巳
憲宗七年穆哥卽末哥也

酥醪洞主曰余讀宋史文天祥傳稱天祥被執至京師

世祖求才南官王績翁言南人無如天祥者遂遣績翁
諭旨天祥曰國亡吾分一死矣儻緣寬假得以黃冠歸
故鄉他日以方外備顧問可也績翁欲合宋官謝昌元
等十人請釋天祥爲道士留夢炎不可事遂已夫人臣
不幸當易代之時潛身草野託方外以自詭古多有之
然元時禁網疏闊宋之遺臣如馬廷鸞章鑑家鉉翁張
山翁王鼎翁鄭思肖謝翱輩皆不必遁迹二氏惟何時
以知縣從文天祥起兵兵敗削髮爲僧汪元量以善琴
從太后北行勉文天祥以忠孝白天下後世祖賜爲黃
冠南返耳

並見明錢士升南宋書

信國忠烈不知何以願託黃冠

而績翁等又欲釋之爲道士及讀中州集乃知金亡後

其遺臣不甘仕元者如翰林學士張本南陽酒官王元粹太學孫邦傑及進士秦略之子彥容禮部尙書王競之孫道通等後皆爲黃冠師

張本王元粹孫邦傑秦彥容並見下卷王道通未詳

中州集又云麻徵君九疇少嘗就道士學服氣史御史肅晚亦欲棄官學道未遂而卒

而王鶚撰

李真常道行碑則云河南新附士大夫流寓於燕往往

竄名道籍飯於齋堂者日數十人蓋元初尊禮長春凡

其徒衆免死與奴一切不問意信國囚燕京時親見其

事因發爲是言而續翁等亦欲遂其志歟然汴京之破

蔡州之亡後長春之化六七年當時遺臣雖竄名道籍

皆不及長春之門惟李志方李志全馮志亨諸人見幾

獨早親禮長春得其印證成就亦自卓卓金源遺獻以

野史傳者元好問劉祁外寥寥無幾

劉祁歸潛志頗載二氏其後爲黃冠

皆不載

吾意當時以黃冠歸故鄉備顧問者頗不乏人而

惜乎姓氏無考也嗚呼滄桑而後匿跡銷聲者多矣況
老氏之旨固以知希爲貴耶

陳志益自號重顯子單州琴臺人生有淑性兒時已不茹
葷血大定間禮丹陽之高弟同郡靈真子尸居環堵久於
鍊化故得道甚敏及謁長春宗師知修行之要獨善其身
不若廣建道場爲大利益事自是所至之方苟有緣契必
盡心焉建築者計百有奇嘗住持葛公山清虛宮後自武
川來遊恆山設教度人司倉張瑋輩傾心事之旣日聞道
妙咸有社稷尸祝之意重顯子曰吾得一把茅一盂飯足

矣何苦以膠膠羨物爲哉所憐者聖賢無象設宇門弟子
無揭香火處耳衆雜然曰謹受教乃於恆山大茂峯之東
地名帶耳谷創築淵靜觀已丑瑋割腴田三十畝始基之
輸幣入粟者絡繹不絕庀工董役旬三浹遂成壬辰春順
化享齒八十一贈洞虛真人元高鳴淵靜觀記○此詞見
金天興元年壬辰非元至元二十九壬辰銜稱河東高
鳴撰鳴時尙未北渡爲元官也又直隸唐縣北葛公山有
清虛宮重顯子返真碑
銘亦高鳴撰未見拓本

李師志柔字謙叔號同塵子洛水人父志微從太古高弟
開立李君受全真教法泰和辛酉師亦事開立執弟子禮
開立識爲受道器付授無所隱自是鍊心養性丐食邢洛
間雖絕粒數日志不少衰尋隱居仙翁廣陽兩山謝絕人

事者十二年開玄及志微上仙後西山盜起遷邢臺築通
真觀居之庚辰春聞長春道燕趙師以禮餞行癸未長春
南還師復迓於宣德之朝元觀長春賜今號教以立觀度
人將迎往來道衆爲務師恪遵玄訓建長春於漳川奉天
棲真於大名丙戌復詣燕觀寶立堂參證心印明年秋長
春返真師南歸向化者益衆門弟諸方起建大小菴觀二
百餘區樓觀宗聖宮道士張致堅以廢址係玄元道祖演
道德經聖蹟天興兵亂焚燬殆盡狀懇清和宗師重建清
和以狀付師營繕未幾遂成丁酉真常宗師署師大名邢
洛兩路教門提點庚戌洛州牧石德玉保奏賜黃金冠服
加號同塵洪妙真人中統癸亥師還樓觀至元丙寅夏脩

然順化年七十八方斂息之際宮北焦家巷居民見空界
五雲浮動仙音朗徹奔往視之師乃昇矣既葬赴喪於東
門人忽見大名奉天宮羣鶴飛鳴下直壇殿須臾訃至識
者以爲師之神遊焉

元李道謙同塵真人李尊師道行碑○此碑見甘水仙源錄

劉君道宣號真常子雲中白登人生不好弄閒與諸兒戲
必結庵趺坐曰我學道爾泰和王戎聞渾源隱士劉柴頭
號得道師事焉師歷試諸難至遣乞食君皆樂從師遂授
微旨自是東遊海上西歷關中從學者日益衆癸未秋長
春入覲回君執弟子禮迂諸銀海之東問君之初事以柴
頭對師領之曰仙人中天隱也因授秘訣錫今號長春仙
蛻尹清和命主華山之雲臺丙午春應召至燕預長春宮

醮事五月旋車古恆請州牧高仲棟泊門人許志安屬以
後事日將中曲肱而逝春秋七十五君嘗作巴人曲接引
於衆又著會仙隨應總仙三錄以道神仙可學之事臨終
語門弟子曰可於丈室瘞吾軀榜以倏然足矣渾源學士
魏公邦彥遂以臨終之言名其堂

元王鶚真常子劉君道
行記。此記見甘水仙

源錄

酥醪洞主曰渾源隱士劉柴頭余徧考諸書不得其事
實然元王惲秋澗集有渾源劉氏世德碑稱遼末遠祖
諱用者生子翰翰生撝字仲謙天會二年以詞賦第一
人中選金國一代詞學得人爲盛由公有以振起之釋
褐右拾遺由知縣遷安東節度副使兩貳大理寺累官

中大夫愛渾源山水佳勝因家焉晚號南山翁生四子
汲渭滂濬滂早世汲與弟渭同擢天德三年進士官應
奉翰林文字有西岳集行世一子偁大定十年進士第
豐王府文學兼記室參軍孫一從夔奉職出身渭終岢
嵐州刺史一子价河水泊酒監濬用蔭仕至饒陽令四
子似儼似僂似真定軍資庫使三子從善從皋從契從
善彰德府酒監從契克勝軍副都統孫五曰郊武義將
軍曰郅等俱早世似用恩賜第官沂水縣簿一子從益
大安元年進士乙科官至翰林應奉有文集十卷二子
祁郁祁弱冠舉進士壬辰北遷築室榜曰歸潛戊戌詔
試魁西京選充山西東路考試官有神川遜士集二十